

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

7. Vita hominis, lampas.

---

[urn:nbn:de:hbz:466:1-68709](#)

De lanea & cerea effigie Horatius lib. I. Sat. 8. & constat experientia, occultis flammis è Stygio rogo raptis non raro vetitos amores per striges accendi, malisque corpora, animosque depasci. Maro loc. cit.

Daphnis me malus urit: ego hanc in Daphnide laurum.

Cave, quisquis amas & ardes; fatalem in te geris foculum, cuius somes sunt aures & oculi, flabellum lingua, titiones, impuri tactus, prunæ inculta conversatio, ignis libido, cinis perditio. Venus ut pessimè urat, adjutores adhibet cinistiones Acheronticos, lenones & lenas, magos & sagas, qui primos nocendi aditus aperiunt per incantamenta, illis maximè timenda, quorum foeda cupiditas etiam per superstitiones ad desiderata voluptatis flagitium tendit.

VII. (g) Si tamen à Poëticis fragmentis, iubet fatalem Meleagi torrem ad naturam, & mores inde deductos transferre, negari non potest, vitam nostram igni similem, paulatim consumi & extingui. *Lucerna Domini spiraculum hominis*, ait in Proverbiis Salomon c. 20. Id est, spiritus vitalis, seu vita hominis, quasi lumen aut radius ab æterno illo Sole derivatur & dimanat. Et sicut lucerna alitur oleo & aere, eoque deficiente extinguitur; sic vita conservatur humido, quod vocant, *radicali*, & spiritu, sive halitu, quo deficiente deficit & emoritur. Rursus quemadmodum lucerna una accendit aliam, sibi vicinam; sic pater vitam suam communicat cum filio. Unde Plato lib. 6. de legib. *Gignentes*, inquit, & alentes liberos, vitam tanquam lampada tradunt aliis aliis. Hinc sponsis olim in nuptiis accensæ tædae præferri solitæ, significabant, lumen vitae prolibus gignendis impertiendum. Inde Prometheus ignem è caelo furatus, eumque corporibus seu statuis à se factis, indidisse, & illas animasse fingitur. Atque hanc lucernam immaturè saepius extingunt cum filii, temulentia, incontinentia, iracundia, contumacia in progenitores, cæterisque adolescentiæ vitiis abrumptentes annos vite; tum etiam parentes, quorum iniquitatem Deus reddit super filios, in tertiam & quartam generationem Deut. 5. Præsertim imprecations matrum, juxta illud. Ecclesiastici c. 3. Benedictio patris firmat domos: maledictio autem matri eradicat fundamenta, id est, solum ac familiam, eiisque opes & honores diris devotionibus delet, & instar facis aut titionis extinguit, quod Althæa Meleagro fecit.



(g) *Vita hominis, lampas.*

SYM-